

吳越春秋

吳越春秋
十卷

上海涵芬樓借烏程
劉氏嘉業堂藏明刊
本景印原書版匡高
營造尺六寸二分寬
四寸二分

吳越春秋序

吳越古稱東南僻遠之邦然盟四國
彊往往抗衡上國黃池之會夫差欲
尊天子自去其僭號稱子以告令諸
侯及越既有吳勾踐大盟四國以共
輔王室要其志皆歸于尊周其知所
天矣孔子作春秋雖小國猶錄而書

之而況以世言則禹稷之裔以地言
則會稽區具其川其浸周職方氏列
為九州之首皆足以望天下故記可
闕而不傳乎吳越春秋趙曄所著隋
唐經籍志皆云十一卷今存者十卷
殆非全書二志又云楊方撰吳越春
秋削繁五卷皇甫遵譔吳越春秋傳

十卷此二書今人罕見獨曄書行于世曄傳在儒林中觀其所作乃不類漢文按邯鄲李氏圖書十志目亦謂楊方嘗刊削曄所為書至皇甫遵遂合二家考正為之傳注又按史記注有徐廣所引吳越春秋語而索隱以為今無此語者他如文選註引季子

見遺金事吳地記載闔廬時夷亭事
及水經註嘗載越事數條類皆援據
吳越春秋今晬本咸無其文亦無所
謂傳註豈楊方所已刊削而皇甫所
未考正者耶晬書最先出東都時去
古未甚遠晬又山陰人故綜述視他
書所紀二國事為詳取節為可也其

言上稽天時下測物變明微推遠僚
若著蔡至于盛衰成敗之迹則彼已
君臣反覆上下其議論種蠡諸大夫
之謀迭用則霸子胥之諫一不聽則
已皆鑒之然可以勸戒萬世豈獨為
是邦二千季故實哉晁書越舊嘗鉅
梓歲久不壞存汴梁劉侯來治越獎

勵學校蒐遺文脩墜典乃輟義田廩
羨財重刻于學不鄙狹聞屬以考訂
且命序其左端夫越人宜知越之故
則是舉也于所關不為無補遂不得
辭厥既刊正疑訛過不自量復為之
音注併考其與傳記同異者附見于
下而互存之惜其間文義猶有滯礙

不可訓知不敢盡用臆見更定又無
皇甫本可證姑從其舊以俟後之君
子考焉侯名克昌世大其字云郡人
前進士徐天祐受之序

吳越春秋目錄

卷第一

吳太伯傳

元本太伯傳作吳王太伯傳太伯
三以天下讓宜王而不王者也吳
之後君又未嘗追王之尊之曰王
名不與實稱也今去王字以從其
實

卷第二

吳王壽夢傳

卷第三

王僚使公子光傳

元本不曰吳王僚傳而曰王僚使公子光傳蓋謂使之伐楚耳光即闔閭既自有傳此云使公子光贊也今姑從其舊

卷第四

闔閭內傳

卷第五

夫差內傳

元本闔閭夫差傳皆曰內傳下卷
無余勾踐傳皆曰外傳內吳而外
越何也况曄又越人手若以吳為
內則太伯壽夢王僚三傳不曰內
而闔閭夫差二傳獨曰內又何也
今不敢輒去內外二字姑存之

卷第六

越王無余外傳

卷第七

句踐入臣外傳

元本越王句踐入臣獨無外傳字
今補其闕姑從越諸傳亦作外傳

卷第八

句踐歸國外傳

卷第九

句踐陰謀外傳

元本句踐入臣歸國伐吳諸傳皆
書名獨陰謀傳書越王而不名不
知何義今於陰謀傳去越王
二字而書句踐從諸例也

卷第十

句踐伐吳外傳

萬曆丙戌之秋
武林馮念祖重
梓於卧龍山房

吳越春秋目錄

吳越春秋吳太伯傳第一

後漢趙曄撰

吳之前君太伯者

論語作泰伯

后稷之苗裔也后

稷其母台氏之女姜嫄

韓詩章句姜姓嫄字說文卽炎帝之後姜

姓封卽國

晉語曰黃帝

以姬水成炎帝

以姜水成故黃帝為姬炎帝為姜是姜者炎帝之

姓史記嫄作原台作卽卽國在京兆武

功縣所治鹽城漢地理志作蘄與卽同

為帝

嚳元妃年少未孕出游於野見太人跡而觀

之中心歡然喜其形像因履而踐之身動意